

## lis Gnovis

## ■ PALME. Comuns federaliscj

Bagnarie, Basilian, Codroip, Fare, Pordenon, Rivis Darcjan, Roncjis, Sacil e Tressina a son i 9 Comuns furlans premiâts a Palme cul «Bando gemellaggi 2019», inmaneât de Associazion pal Consei dai Comuns e des Regjons d'Europe «Aiccre Fvg». A l'iniziativa a àn cjapât part 18 amministrazions, impegnadis te elaborazion di projets par un zimulament di cualitât e cun efets economicis e sociâi positîfs. «Anche in grazie dai programis comunitaris a dispozion dai Ents locâl – al à declarât il president regional di «Aiccre», Franco Brussa –, il zimulament al pues diventâ un'ocasion straordinarie par fâ sù dal bas un'Europe federâl».

## ■ TUMIEÇ.

## «Refudait i compromès»

«Ripudiati i compromès. Sêt intransigjents sui valôrs. Persuadêti cui ch'al fale. Refudait il sisteme dal «Si cumbine», chest vizi talian de furbetât... La Costituzion e lis leçs us garantissin dai dirits, o vês di savêju pretindi»: chestis peraulis, ditis ai 15 di Mai dal 1995 ai students dal Istitût tecnic «Michele Gortani» di Tumieç, a son stadis sieldudis di Nando dalla Chiesa, fi dal prefet Carlo Alberto sassinât de mafie ai 3 di Setembar dal 1982, pe cuvierte dal volum de schirie «Eroi della lotta alla mafia» dedicât al judic dal Tribunal di Palermo Antonino Caponnetto (1920-2002). Il libri, intitulât «Antonino Caponnetto / Io non tacerò / La lunga battaglia per la giustizia», al è saltât fûr cul sfuei «Corriere della Sera». Il test integrâl dal intervent dal magistrât che, cun Giovanni Falcone e Paolo Borsellino, al àstituît il «Pool antimafia», al è publicât tes pagjinis 167-174.

## ■ PORDENON.

## Impegn e memorie

Cun Ambra Laurenzi, confermade par altris 4 agns presidente dal Comitât internazionâl di Ravensbrück, e colabore, in cualitât di seconde delegade taliane, Patrizia Del Col, ch'è je anچه segretarie de sezion pordenonese di «Aned», la clape dai ex deputâts tai cjamps di concentrament nazifasciscj (www.deportatipordenone.it). A Ravensbrück, ch'al à stât sore il dut un «lager» par feminis, al risulte ch'a forin deputadadis de Provincie di Udin d'in ch'è volte (includût dut il Friûl occidental) 13 da lis 64 feminis furlanis ch'a finirin tai cjamps di concentrament dal Tierç Reich, comprendudis la partesane «Giulia», al ven a stâi Rosina Cantoni, e Maria Braidic, nomade slovene ch'è viveve a Udin.

## ■ SPILIMBERC.

## «Mosaico&amp;Mosaici 2019»

Fintremai al prin di Setembar, te aulis dal istitût, si podarà visitâ la mostre cu lis miôr oparis realizadis, vie pal an scolastic 2018-2019, dai arlefs de «Suele Mosaiciscj dal Friûl» di Spilimberc (www.scuolamosaicistifriuli.it). L'esposizion, batiade «Mosaico&Mosaici», e je vierte duçj i dis de setemane, cul orari: 10-12.30 / 16.30-20. Lis oparis sieldudis a pandin il fil dal percors scolastic di an passât, al ven a stâi un confront sçlet fra passât e avignî, tra patrimoni storic e ricercje artistiche, pe promozion dal mosaic contemporani e par valorizâ la creativitât dai zovins mosaiciscj. In specialtât, i laboratoris dai prins trê agns si son confrontâts cul «modus operandi» dai mestrîs che, vie pal IV secul, a realizarin i mosaics de basiliche patriarcjâl di Aquilee.

Joibe 8	S. Domeni di Guzmàn	Lunis 12	S. Lelie
Vinars 9	S. Taresie Benedete	Martars 13	S. Feliz e Fortunât
Sabide 10	S. Laurinç	Miercus 14	S. Massilian Kolbe
Domenie 11	S. Clare di Assisi	Il timp	Ancjemò cjalt



**Il soreli**  
Ai 8 al leve aes 5.57  
e al va a mont aes 20.28.



**La lune**  
Ai 7 Prin cuart.

**Il proverbi**  
Il stupit al fâs il mâl par ridi.

**Lis voris dal mês**  
Se al è masse cjalt, taponait i strops cun sacs di tele e bagnait il teren cun aghe polsade.

## Vuardeans dal Creât

*Friûl concuardiês:  
là che lis scovacis  
a calin*

«Intai ultins agns, tes vilis, tes impresis, tes Comunitâts a son stadis inviadis politichis, azions e compartaments ch'a mostrin cemût che une part di societât – cun cûr, sintiment, creativitât e perseverance e mediant di formis d'intervent gnovis ch'a risprietin l'ambient natural e ch'a crein valôrs economicis e coesion sociâl – e je daûr a cîri di ridusi il consum di nature e l'incuinament... «Ambiente Servizi» al è un speli eceleent de contribuzion che anche lis impresis a puedin garantî pe realizazion di un'Economie circolâr e di un Svilupp sostignibil»: la laut di monsignôr Dario Roncadin, diretôr dal Uffici «Pastoral social, Justizie e Pàs, Custodie dal Creât» de Glesie di Concuardie e di Pordenon, no ur somearâ afat une sglonfadure a chei ch'a varan la pazienze di cjapâ in man il «Rapporto Integrato» de societât par azions di San Vit dal Tiliment impegnade te racuelte des scovacis e tal servizi di igiene ambiental in 24 Comuns. Il volum, disponibil anche su la rêt des rêts (www.ambienteservizi.net), al seguîs la metodologie internazionâl di rese di cont stabilide dal «Global Reporting Initiative» (www.globalreporting.org). L'edizion pal 2018 e je stade presentade ai 10 di Lui, li dal municipi di San Vit. Ch'è dal 2017, cun tesç, tabelis, schemis e ilustrazions, e propon un confront puntiliôs fra lis ativitâts e i projegti de «Ambiente Servizi» e i principis pe «cure de cjase comun», sclarîs dal Pape ta l'encicliche su l'Ecologie integrâl.



La delegazion di «Ambiente Servizi» a Rome, cul Pape

**I principis  
de «Ecologie  
integrâl»  
a ispirin  
l'ativitât  
de Spa  
«Ambiente  
Servizi»  
di San Vit  
dal Tiliment**

«No podin no sintisi in sintonie cu lis peraulis de encicliche «Laudato si» di Pape Francesc – al veve scrit te jentrade dal «dossier» il president de aziende, Isaia Gasparotto –. O condividin i siei obietifs, ch'a son chei ch'a tegnin sù anche la nestre «mission»: protezion ambiental, atenzion a lis personis, tant concitadins che dependents e, sore il dut, aplicazion da l'Economie circolâr». Par chel, tal mês di Jugn, une delegazion di soestants de aziende a son lâts a Rome par puartâi il document al Pape, che ju laudâts e incoragjits. In zornade di vuê, «Ambiente Servizi», cun 141 dependents, al garantîs i servizis di igiene ambiental e i servizis di racuelte diferenceade des scovacis sù par jù par 180 mil citadins, in 23 Comuns de provincie di Pordenon e intal Comun di Lignan. In grazie dal sisteme di racuelte adotât, cun tecnicis ch'a disconsein i abandons impropis e

ch'a favorissin l'impegn viers il ricicli, la riutilizazion e il compostament çsalin», tal grant teritori servit de imprese di San Vit, la cuantitât anuâl «pro capite» di scovacis e je plui basse tant de medie taliane che di ch'è regional (cuntune diminuzion di 43 Kg dal 2007 al 2017, cuant che si à rivât a 71 Kg). Dome l'1% des scovacis tiradis sù al rive tes discarichis e la disferenceazion e toçje l'82,53%. Un altri pas viers da l'Economie circolâr al è l'ûs di mieçs mecanics ch'a van cul biometano produsût li de sede central de aziende cui vanzums biologics. In chest mût, no calin dome l'incuinament e i coscj, ma a cressin anche i beneficis pai lavoradors. La tematiche de salut e de sigurece dal personal e torne di un continui, tal rapuart, ch'al sclarîs che «Ambiente Servizi al puarte la Persone come valor originari e come criteri fondamentâl par ogni sielte».

**Mario Zili**

## Peraulis in dismentie

par cure di Mario Martinis

## ❖ DARPÀ

*av.* = camminare, muoversi, scalpicciare; scalpitare dei cavalli  
(formato dalla preposizione *ad* e da *arpà* "incatenare", voce verbale derivata dal nome *ârpe*)  
Ce darpino culi disore?  
Che scalpicciano lì sopra?

## ❖ DASSE

*s.m.* = ramo frondoso dell'abete; traino o slitta formata dai rami d'albero usata in montagna per il trasporto di fieno o legna  
(dalla voce antica \**dagisja* che ha originato \**daksja*, legata al celtico \**dagla* "pino silvestro")  
Chè dasse le a sglavode il burlaç di orsero e'altri.  
Quel ramo d'abete è stato schiantato dal temporale dell'altra sera.  
E coventarâ plui di une dasse par puartâ i lens a cjase.  
Servirà pûi di un traino per portare le legna a casa.

## ❖ DASSEN

*av.* = davvero, affatto, proprio  
(formato dalla preposizione *da* e dal nome *sèn*, letteralmente è traducibile in "da senno", esistono anche le forme *da-sèn* e *dabòn*)  
Distu dassen none, coventino i miluçs pal canarin?  
Dici davvero nonna, servono le mele per il canarino?

## ❖ DASPÒ

*prep* e *av.* = dopo  
(formato dalla preposizione *da* e da *po* "poi", derivata dal latino *de* con *pōst*)  
Ti toçje zuiâ daspò di me.  
Ti tocca giocare dopo di me.

## ❖ DAURMAN

*av.* = subito, immediatamente, senza interruzione, di seguito  
(formato da *daûr* "dietro" e *man* "mano")  
O ai fatis cuatri çjantadis daurman.  
Ho fatto subito quattro canti.